



অবিলম্বে প্রকাশের উদ্দেশ্যে: 7/7/2023

গভর্নর ক্যাথি হোকল

গভর্নর হোকল এই সপ্তাহান্তে স্টেটব্যাপী যে ভারী বৃষ্টি ও বজ্রপাতসহ ঝড়ের আশঙ্কা রয়েছে তার প্রভাব হিসেবে সম্ভাব্য হঠাৎ বন্যার ব্যাপারে নিউ ইয়র্কবাসীকে সতর্ক করলেন

বজ্রপাতসহ ঝড় এবং ভারী বৃষ্টিপাত সম্ভাব্য হঠাৎ বন্যার কারণ হতে পারে; ক্যাপিটাল রিজিয়ন, নর্থ কান্ট্রি এবং মোহক ভ্যালির কিছু অংশ বর্তমানে একটি বন্যা নজরদারির অধীনে রয়েছে

আবহাওয়া পরিস্থিতি পর্যবেক্ষণ করার জন্য এবং বন্যার ঘটনার জন্য একটি পরিকল্পনা তৈরি করে রাখতে গভর্নর নিউ ইয়র্কবাসীদের তাগিদ দিলেন

গভর্নর ক্যাথি হোকল আজকে নিউ ইয়র্কবাসীকে সতর্ক করলেন যে আজকে থেকে শুরু করে এই সপ্তাহান্তজুড়ে চরম আবহাওয়া পুরো স্টেটকে প্রভাবিত করবে বলে আশঙ্কা করা যাচ্ছে। আপস্টেট অঞ্চলসমূহের জন্য বজ্রপাতসহ ঝড় এবং ভারী বৃষ্টিপাতের পূর্বাভাস রয়েছে, এবং ক্যাপিটাল রিজিয়ন, নর্থ কান্ট্রি এবং মোহক ভ্যালির কিছু অংশ বর্তমানে একটি বন্যা নজরদারির অধীনে রয়েছে যা শুক্রবার পর্যন্ত থাকবে। এই সপ্তাহান্তে, বিশেষ করে আজকে ও রবিবার, স্টেটব্যাপী বজ্রপাতসহ ঝড় হওয়ার আশঙ্কা রয়েছে এবং তা বন্যাপ্রবণ এলাকায় সম্ভাব্য প্রভাব নিয়ে আসতে পারে, তাই সর্বশেষ আবহাওয়া পরিস্থিতি সম্পর্কে জানতে তাদের স্থানীয় পূর্বাভাস পর্যবেক্ষণ করার এবং চরম আবহাওয়া ঘটনার পূর্বে জরুরি সতর্কতার জন্য সাইন আপ করতে গভর্নর হোকল নিউ ইয়র্কবাসীদেরকে তাগিদ প্রদান করেছেন।

"অস্বাস্থ্যকর বাতাসের মান থেকে শুরু করে চরম গরম পর্যন্ত, প্রকৃতি নিঃসন্দেহে গত কয়েক সপ্তাহ ধরে নিউ ইয়র্কবাসীর পরীক্ষা গ্রহণ করেছে এবং মনে হচ্ছে যে এই ধারা এই সপ্তাহান্তেও চলবে," **গভর্নর হোকল বলেন।** "স্টেটের অধিকাংশে আজকে থেকে শুরু করে রবিবার পর্যন্ত বজ্রপাতসহ ঝড় এবং একাধিক ভারী বৃষ্টিপাতের সময়কাল দেখা যাবে যার ফলে বিশেষ করে নর্থ কান্ট্রি, মোহক ভ্যালি এবং ক্যাপিটাল রিজিয়নের কিছু অংশে হঠাৎ বন্যার সৃষ্টি হতে পারে। আমাদের দল নিবিড়ভাবে আবহাওয়ার নিদর্শন পর্যবেক্ষণ করেছে এবং আমাদের স্থানীয় অংশীদারদের যেকোনও সহায়তা করার জন্য প্রস্তুত আছে, এবং সকল নিউ ইয়র্কবাসীকে তাদের স্থানীয় পূর্বাভাস পর্যবেক্ষণ করা, সতর্কতার প্রতি মনোযোগ দেওয়া এবং সেই অনুযায়ী পরিকল্পনা করার জন্য আমি তাগিদ প্রদান করছি।"

স্টেটের এজেন্সি এবং কর্তৃপক্ষসমূহ পুরো স্টেটের সরকারি অংশীদারদের সাথে নিয়মিত যোগাযোগ রেখেছে এবং সহায়তার যেকোনও অনুরোধে সাড়া দান করার জন্য তারা প্রস্তুত আছে।

নিউ ইয়র্ক স্টেটের স্বদেশ নিরাপত্তা ও জরুরি সেবা বিভাগের (New York State Division of Homeland Security and Emergency Services) কমিশনার জ্যাকি ব্রে বলেন, "এই সপ্তাহান্তে পুরো স্টেটের বৃষ্টি এবং বজ্রপাতসহ ঝড়ের দ্বারা কবলিত হওয়ার সম্ভাবনা রয়েছে। আমরা পুরো স্টেটজুড়ে, কিন্তু বিশেষ করে গত সপ্তাহান্তে বন্যা কবলিত হওয়া এলাকাগুলির পরিস্থিতির উপর নিবিড় নজর রাখছি। আমাদের স্টেটের অগ্নি এবং জরুরি ব্যবস্থাপনার (State Fire and Emergency Management) মাঠ পর্যায়ের কর্মীরা তাদের স্থানীয় পরিপূরক দলের সাথে যোগাযোগ রাখছে এবং বিপজ্জনক বন্যার ঘটনায় সাড়াদানের জন্য তৈরি আছে।"

নর্থ কান্ট্রির এসেক্স কাউন্টি এবং ক্লিনটন কাউন্টির এলাকাসমূহে একটি হঠাৎ বন্যার সতর্কতা জারি করা হয়েছে। বর্তমানে অ্যালবানি, হ্যামিল্টন, মন্টগোমারি, ফুলটন, ওয়ারেন, ওয়াশিংটন, ক্লিনটন, এসেক্স এবং ফ্র্যাঙ্কলিন কাউন্টিতে বন্যার নজরদারি ও সতর্কতা জারি আছে। আবহাওয়া সতর্কতা ও পূর্বাভাসের সম্পূর্ণ তালিকা দেখার জন্য ন্যাশনাল ওয়েদার সার্ভিস (National Weather Service) ওয়েবসাইট <https://alerts.weather.gov> পরিদর্শন করুন।

নিউ ইয়র্কবাসীদের alert.ny.gov থেকে NY অ্যালার্টে (NY Alert) সাবস্ক্রাইব করে জরুরি সতর্কতার জন্য সাইন আপ করতে উৎসাহিত করা যাচ্ছে, এটি একটি বিনামূল্যে প্রদত্ত সেবা যা আপনার সেল ফোন বা কম্পিউটারে অতি গুরুত্বপূর্ণ জরুরি তথ্য প্রদান করে।

স্টেট এজেন্সির প্রস্তুতি

স্বদেশের নিরাপত্তা ও জরুরী পরিষেবা বিভাগ (Division of Homeland Security and Emergency Services)

নিউ ইয়র্ক স্টেট হোমল্যান্ড নিরাপত্তা ও জরুরি সেবা বিভাগের জরুরি কার্যক্রম পরিচালনা কেন্দ্র (Emergency Operations Center) সক্রিয় করা হয়েছে এবং এটি নিবিড়ভাবে অবস্থা পর্যবেক্ষণ করবে, সাড়াদান কার্যক্রম সমন্বয় করবে, এবং দুর্ঘটনার সময়জুড়ে স্থানীয়দের সাথে যোগাযোগ রক্ষা করবে। স্টেটের অগ্নি এবং স্টেট জরুরি ব্যবস্থাপনা কর্মীরা তাদের কর্মী ও সংস্থান নিয়ে হঠাৎ বন্যার ঘটনার সাড়াদান করার জন্য প্রস্তুত আছে।

পরিবহন বিভাগ (Department of Transportation)

পরিবহন বিভাগ আবহাওয়ার পরিস্থিতি পর্যবেক্ষণ করছে এবং 3,470 জনের বেশি সুপারভাইজার এবং অপারেটরদের সাথে প্রতিক্রিয়া জানাতে প্রস্তুত। সকল মাঠ পর্যায়ের কর্মীরা সম্পূর্ণভাবে নিযুক্ত হতে ও সাড়া দিতে তৈরি আছে। কর্মীদের যেকোন ধরনের প্রয়োজনীয় প্রতিক্রিয়ার ক্রমে কনফিগার করা যেতে পারে (বন্যার প্রতিক্রিয়া, চিপার, লোড অ্যান্ড হউল, সিভার জেট, কাট অ্যান্ড টস, ট্রাফিক সিগন্যাল ইত্যাদি)। ক্রুরা পানি নিষ্কাশন অবকাঠামোগুলো চেক করছে ও

পরিষ্কার করছে যাতে এগুলো অবর্জনা ও আটকে যাওয়া থেকে মুক্ত থাকার বিষয়টি নিশ্চিত করা যায়।

স্টেট ব্যাপী থাকা ইকুইপমেন্টের সংখ্যা নিম্নোক্তানুসারে:

- 1,430টি বৃহৎ ডাম্প ট্রাক
- 319টি বৃহৎ লোডার
- ট্রাকযুক্ত ও চাকাযুক্ত 79টি এক্সক্যাভেটর
- 83টি চিপার
- 19টি গ্রেডার
- 17টি সিউয়ার জেট সহ ভ্যাকুম ট্রাক
- 14টি ট্রি ক্রু বাকেট ট্রাক

থ্রুওয়ে কর্তৃপক্ষ (Thruway Authority)

থ্রুওয়ে অথোরিটি (Thruway Authority) ঝড়ো বাতাস বা বন্যা সংক্রান্ত যেকোনো পরিস্থিতি মোকাবেলায় স্টেটজুড়ে 654 জন অপারেটর ও সুপারভাইজারকে, ছোট থেকে মাঝারি আকারের এক্সক্যাভেটর, প্লাও/ডাম্প ট্রাক, বড় লোডার এবং বেশ কিছু বহনযোগ্য ভ্যারিয়েবল মেসেজ সাইন (Variable Message Signs, VMS) বোর্ড, বহনযোগ্য লাইট টাওয়ার, ছোট জেনারেটর, ছোট পাম্প ও সরঞ্জাম টানার ট্রেলার এবং সেই সাথে যেকোনও ধরনের পথ ঘোরানো বা বন্ধের জন্য ট্রাফিক সাইন ও অন্যান্য ট্রাফিক নিয়ন্ত্রণ যন্ত্র নিয়ে প্রস্তুত আছে। থ্রুওয়েতে মোটরচালকদের সতর্ক করতে বিভিন্ন রকমের বার্তার চিহ্ন, হাইওয়ে সতর্কতা রেডিও এবং সোশ্যাল মিডিয়া ব্যবহার করা হয়।

স্টেট ব্যাপী থাকা ইকুইপমেন্টের সংখ্যা নিম্নোক্তানুসারে:

- 362টি বড় ও ছোট ডাম্প ট্রাক
- 59টি লোডার
- 33টি ট্রেইলার
- 6টি ভ্যাক ট্রাক
- 12টি এক্সক্যাভেটর
- 8টি ব্রাশ চিপার
- 100টি চেইন স
- 23টি এরিয়াল ট্রাক
- 22টি স্কিড স্টিয়ার
- 83টি বহনযোগ্য জেনারেটর
- 67টি বহনযোগ্য লাইট ইউনিট

থ্রুওয়ে কর্তৃপক্ষ মোটরচালকদের তাদের [মোবাইল অ্যাপ](#) ডাউনলোড করতে উৎসাহিত করে, যা [আইফোন](#) এবং [অ্যান্ড্রয়েড](#) ডিভাইসে ডাউনলোডের জন্য বিনামূল্যে উপলভ্য। অ্যাপের মাধ্যমে মোটরিস্টরা রাস্তায় থাকার সময় লাইভ ট্রাফিক ক্যামেরা, রিয়েল-টাইম ট্রাফিক তথ্য ও

নেভিগেশন সংক্রান্ত সহায়তায় সরাসরি অ্যাক্সেস পাবেন। এছাড়াও মোটরচালকরা [ট্রান্সঅ্যালার্ট](#) ইমেলের জন্য সাইন আপ করতে পারেন যা ফ্রুওয়ের সর্বশেষ ট্রাফিক পরিস্থিতি প্রদান করে, টুইটারে [@ThruwayTraffic](#) ফলো করুন এবং ফ্রুওয়ের ও নিউ ইয়র্ক স্টেটের অন্যান্য সড়কগুলিতে ট্রাফিকের অবস্থা দেখানো একটি ইন্টার্যাক্টিভ ম্যাপ দেখতে thruway.ny.gov দেখুন।

পরিবেশ সংরক্ষণ বিভাগ (Department of Environmental Conservation)

পরিবেশ সংরক্ষণ বিভাগ পরিবেশ সংরক্ষণ পুলিশ অফিসার, ফরেস্ট রেঞ্জার্স, জরুরি অবস্থার ব্যবস্থাপনা কর্মী এবং আঞ্চলিক কর্মীরা সতর্ক আছে এবং আবহাওয়ায় পরিস্থিতির পর্যবেক্ষণ করেছে। চরম আবহাওয়া, যেমন ভারী বৃষ্টিপাত ও স্থানীয় বন্যা দ্বারা ক্ষতিগ্রস্ত হতে অপরে এমন এলাকা ও অবকাঠামোতে DEC কর্মীরা সক্রিয়ভাবে টহল দিবে এবং বাসা, ব্যবসা, বা অবকাঠামো সুরক্ষায় প্রশমন প্রয়োজন হলে বন্যা প্রশমন সরঞ্জাম, যেমন পাম্প ও স্যান্ডব্যাগের সমন্বয় করতে তারা স্থানীয় এজেন্সির সাথে ঘনিষ্ঠভাবে কাজ করবে। সকল উপলভ্য সম্পদ যেকোনও জরুরি পরিস্থিতি মোকাবেলায় সহায়তা করতে প্রস্তুত রয়েছে।

পার্ক, বিনোদন ও ঐতিহাসিক সংরক্ষণ দপ্তর (Office of Parks, Recreation and Historic Preservation)

নিউ ইয়র্ক স্টেট পার্ক পুলিশ এবং পার্কের পার্সোনেলরা সতর্ক আছে এবং আবহাওয়া পরিস্থিতি এবং তার পরিণামের উপর কড়া নজর রাখছেন। প্রতিক্রিয়া সরঞ্জাম প্রসার করা হচ্ছে, পরীক্ষিত এবং বাড়ি প্রতিক্রিয়া ব্যবহারের জন্য প্রস্তুত করা হচ্ছে। স্টেট পার্কসে প্রয়োজন হলে মোতায়েনের জন্য বারোজন সিউয়ার কর্মী প্রস্তুত রয়েছে। পার্কে বেড়াতে আসা মানুষের উচিত <https://parks.ny.gov> ভিজিট করা, বিনামূল্যে NY স্টেট পার্কস এক্সপ্লোরার মোবাইল অ্যাপটি দেখা বা পার্কের সময়, খোলা এবং বন্ধের সময় সম্পর্কে সর্বশেষ তথ্যের জন্য তাদের স্থানীয় পার্ক অফিসে যোগাযোগ করা।

জনসেবার বিভাগ (Department of Public Service)

এই ঘটনার জন্য নিউ ইয়র্ক স্টেটজুড়ে ক্ষয়ক্ষতি মূল্যায়ন, সাড়া প্রদান, মেরামত ও পুনর্বহাল কার্যক্রম পরিচালনার জন্য নিউ ইয়র্কের ইউটিলিটি এজেন্সিগুলোতে প্রায় 5,500 জন কর্মী রয়েছে। এজেন্সির কর্মীরা পুরো সময় ইউটিলিটিগুলির কার্যক্রমের উপর নজর রাখবে এবং সবথেকে বেশি প্রভাবিত হতে পারে বলে ধারণা করা এলাকাগুলোতে ইউটিলিটি এজেন্সিগুলোর পর্যাপ্ত কর্মী নিয়োগের বিষয়টি নিশ্চিত করবে।

নিউ ইয়র্ক স্টেট পুলিশ (New York State Police)

স্টেট পুলিশ ক্ষতিগ্রস্ত এলাকাগুলিতে প্রয়োজন অনুযায়ী অতিরিক্ত ট্রুপার মোতায়েন করতে প্রস্তুত। চার চাকার যানবাহন, এবং ইউটিলিটি টাঙ্ক যানবাহন সহ বিশেষভাবে তৈরি স্টেট পুলিশের সমস্ত গাড়ী অবিলম্বে সহায়তার জন্য তৈরি এবং প্রস্তুত রয়েছে। সকল ট্রুপ, জরুরি শক্তি এবং যোগাযোগ সরঞ্জাম পরীক্ষা করা হয়েছে।

তীব্র আবহাওয়ার নিরাপত্তা পরামর্শ

দুর্যোগের সরবরাহ

দুর্যোগকালীন অত্যাবশ্যক সামগ্রীগুলি নাগালের মধ্যে রাখুন, যার মধ্যে রয়েছে:

- ফ্ল্যাশলাইট এবং অতিরিক্ত ব্যাটারি
- ব্যাটারি চালিত রেডিও এবং অতিরিক্ত ব্যাটারি
- ফার্স্ট এইড কিট এবং ম্যানুয়াল
- জরুরি খাদ্য এবং পানি
- অ-বৈদ্যুতিক ক্যান ওপেনার
- অপরিহার্য ওষুধ
- চেকবুক, নগদ, ক্রেডিট কার্ড, ATM কার্ড

হঠাৎ বন্যা

- বন্যায় ডুবে যাওয়া রাস্তা দিয়ে গাড়ি চালিয়ে যাওয়ার চেষ্টা করবেন না। গাড়ি ঘোরান এবং অন্য রাস্তা দিয়ে যান।
- যদি আপনার গাড়ির চারপাশে দ্রুত পানি বাড়তে থাকে, তাহলে অবিলম্বে যান পরিত্যাগ করুন।
- দ্রুত গতিতে বয়ে চলা পানির ক্ষমতাকে অগ্রাহ্য করবেন না। দ্রুত গতিতে বয়ে চলা দুই ফুট উচ্চতার পানিতে আপনার গাড়ি ভাসিয়ে নিবে এবং দুই মাইল বেগে বয়ে চলা পানি আপনার গাড়িকে রাস্তা বা ব্রিজ থেকে টেনে নিয়ে যাবে।

বজ্রপাত

- 30-30 নিয়ম অনুসরণ করুন: যদি আপনার বিদ্যুৎ চমকাতে দেখার এবং বজ্রপাতের শব্দ শোনার মধ্যকার সময়ের ব্যবধান 30 সেকেন্ড বা তার কম হয় তাহলে সেই বজ্রপাত আপনাকে আঘাত করার মতো কাছাকাছি দূরত্বে রয়েছে। অবিলম্বে আশ্রয় গ্রহণ করুন। শেষ বিদ্যুৎ চমকানোর পর, আপনার আশ্রয় ত্যাগ করার পূর্বে 30 মিনিট অপেক্ষা করুন।
- বজ্রপাত সবথেকে লম্বা বস্তুকে আঘাত করে। আপনি যদি একটি গাছের লাইনের উপরে থাকেন, দ্রুত তার নিচে যান এবং আপনি একটি খোলা স্থানে থাকলে নিচু হয়ে বসুন।
- আপনি যদি একটি আশ্রয়কেন্দ্রে না যেতে পারেন, গাছ থেকে দূরে থাকুন। কোনও আশ্রয় না থাকলে, খোলা স্থানে নিচু হয়ে বসুন, কোনও গাছ যত লম্বা তার দ্বিগুণ দূরে থাকুন।

ঘূর্ণিঝড়

- ঘরের বাইরে থাকা অবস্থায় ঘূর্ণিঝড় সতর্কতা জারি হলে, অবিলম্বে আশ্রয় খুঁজুন। যদি কাছাকাছি কোনও আশ্রয় না থাকে তবে আপনার হাত দিয়ে আপনার মাথা ঢেকে একটি খাদ বা নিচু স্থানে লম্বা হয়ে শুয়ে পড়ুন।

- বাড়িতে বা ছোট কোনও ভবনে থাকলে, বেজমেন্ট বা ভবনের নিচ তলার ভেতরের একটি কক্ষে যান। জানালা থেকে দূরে থাকুন। আলমারি, বাথরুম, এবং অন্যান্য অভ্যন্তরীণ কক্ষগুলি সর্বোত্তম সুরক্ষা সরবরাহ করে। মজবুত কিছু নিচে যান বা নিজেকে একটি গদি দিয়ে ঢেকে রাখুন।
- স্কুল, হাসপাতাল, বা শপিং সেন্টারে থাকলে, পূর্বে নির্ধারিত আশ্রয় এলাকায় যান। বড় খোলা এলাকা এবং জানালা থেকে দূরে থাকুন। বাইরে আপনার গাড়ির কাছে যাবেন না।
- একটি উঁচু ভবনে, সম্ভাব্য সর্বনিম্ন তলার একটি অভ্যন্তরীণ ছোট কক্ষ বা হলওয়ায়েতে যান। এলিভেটর ব্যবহার করবেন না - সিঁড়ি ব্যবহার করুন।

ব্যক্তিগত প্রস্তুতি জন্য এবং তীব্র আবহাওয়ায় কীভাবে নিরাপদ থাকতে হয় সেই সম্পর্কে আরও তথ্যের জন্য, এখানে যান: <https://www.dhses.gov/safety>।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)